

# ANG MGA ? DAGKUNG ? PANGUTANA ?

**SA** K  
I  
N  
A  
B  
U  
H  
I



**1**

CEBUANO  
THE GREAT QUESTIONS  
OF LIFE (GQL)

UNSA BAY NAGAKAHITABO SA KALIBUTAN?

*Minahal Nga Higala:*

*Mahibulong ba ikaw usahay kon unsa man ang mahitungod sa kinabuhi? Nganong ikaw natawo? Unsaon ang pagkakaplag sa kalipay? Kon mao kini, kining unom ka leksyon niining pagtuon sa korespondensya makatabang kanimo ug daku. Mao kini ang unom ka mga pagtuon:*

*Unsa bay Nagakahitabo sa Kalibutan?*

*Unsa bay Kamatuoran Mahitungod sa Dios?*

*Unsa ba Gayud ang Kinabuhi?*

*Unsaon sa Pagtagbo Ang Imong Labing Dakung Kinahanglan?*

*Unsay Mahitabo Human sa Kamatayon?*

*Unsa bay Matuod nga Iglesia?*

*Bisan nga ang unang leksyon kompleto sa iyang kaugalingon, kini mahimo nga pasiuna ngadto sa ubang mga leksyon. Kining mga leksyon a motubag sa mga pangutana nga mahunahunaan sa matag usa mahitungod sa kinabuhi.*

*Human nimo matapus kining leksyona, sulati ang imong papel-pasulit. Tan-awa ang luyo nga pahina sa papel-pasulit alang sa pinasahi nga instruksyon alang sa pagpadala. Kon walay pinasahi nga instruksyon sa pagpadala, ipadala ang papel-pasulit ngadto sa:*

*International Correspondence Institute*

*Philippine National Office*

*P.O. Box 1084*

*Manila*

*Makahunahuna tingale ka nga ang pagkakaplag sa tubag sa mga dagkung pangutana sa kinabuhi magakinahanglan ug mga paghago sa imong bahin. Apan imong makaplakan nga kining mga leksyona maanindot pagatun-an ug masayon sa pagsabot.*

*Malipay kami nga makadawat sa inyong mga sulat. Pangutana sa mga makalibog nga bahin samtang ikaw nagatuon niining kursoha. Malipay usab kami sa kanunay nga makadungog gikan kanimo.*

*Maabiabihon kami sa imong pagsulod ngadto sa panimalay sa International Correspondence Institute.*

*- Ang Pangulo*

## Leksyon I

# UNSA BAY NAGAKAHITABO SA KALIBUTAN?

Niining Leksyona Magtuon Ka

- ▲ UNSAON MO PAGKASAYUD SA KAMATUORAN?
- ▲ GIUNSA BA PAGESUGOD ANG KALIBUTAN?
- ▲ UNSAY DAUTAN NGA NAHITABO SA KALIBUTAN?
- ▲ MAY PAGLAUM PA BA ANG KALIBUTAN?

## Unang Bahin

# UNSAON MO PAGKASAYUD SA KAMATUORAN?

### Syensya, Kasaysayan ug Pagpaniid

Makatuon ikaw ug daghang kahibulongang butang mahitungod sa kalibutan – lakip sa tanang mga tawo niini – gikan sa syensya, kasaysayan, ug pagpaniid. Apan dili ikaw makakuha sa mga tubag niining mga dagkung pangutana sa kinabuhi gikan niining mga tinubdan nga gihisgutan. Dili sila makatug-an kanato kong giunsa pagsugod ang kinabuhi, unsa ang iyang katuyoan ug unsa ang iyang kaugmaon.

### Ang Balaang Kasulatan

Siya lamang nga nagbuhat sa kalibutan ang makatug-an kanimo kong giunsa Niya pagbuhat kini ug ngano. Nagtug-an Siya kanato sa kamatuoran mahitungod niining mga butanga sa iyang basahon, ang Balaang Kasulatan. Mao kini basahon sa mga pagpahamatngon alang sa kinabuhi niining kalibutana.

## Kining Kursoha – Ang Dagkung Mga Pangutana sa Kinabuhi

Kining mga leksyona gipasukad gayud sa Biblia. Gi-akutlo gikan sa Biblia ang pipila gikan sa daghang mga versiculo nga magatubag sa imong mga pangutana. Sa dili pa ang matag versiculo mao ang referencia: ang ngalan sa basahon, capitulo ug versiculo diin ang mga pulong makita diha sa Biblia.



### Ikaduhang Bahin

## GIUNSA BA PAGESUGOD ANG KALIBUTAN?

### Nahitabo Ba Lamang?

Nakapangutana ba ikaw sa imong kaugalingon, “Diin ba magagikan ang kalibutan? Nahitabo ba kaha lamang? O may daku bang hunahuna nga nagplano niini ug may daku bang gahum nga nagbuhat niini?”

Kon makakita ka ug bisiklita, kotse, o ayroplano, nasayud ka nga kana wala motungha sa iyang kaugalingon. May usa nga nagplano ug nagbuhat niana mao nga kana nagalihok sumala sa iyang lagda.

### Ang Kalibutan Nabuhat Sumala sa Plano

Ang kalibutan ug tanang butang sulod niini nagalihok sumala sa mga lagda nga atong gitawag ug balaod sa kinaiyahan. Sa nagadugang ang pagtukib sa syensya mahitungod niining mga balaora, magadugang ang atong paniguro nga may usa nga nagplano sa tanang kalihukan sa kalibutan, nagbuhat niini ug nagadumala niini sumala sa iyang plano. Kana siya mao ang Dios, ang makagagahum ug maalam nga Magbubuhat. Siya ang Ginoo, o Magmamando sa kalibutan.

### Saguloha Kini

Genesis 1:1. Sa sinugdanan gibuhat sa Dios ang langit ug ang yuta.

Juan 1:3. Ang tanang butang gibuhat niya.





## Ang Dios Nagbuhat sa Hingpit nga Kalibutan

Ang Dios nagbuhat sa adlaw, bulan, mga bitoon, ug yuta. Gihikay ang ilang tagsa-tagsang dapit nga tuyokan aron dili magbinanggaay ang usag usa kanila. Gipahiluna niya ang hustong kalay-on sa yuta gikan sa adlaw – dili duol kaayo aron ang tanang nahimutang sa yuta dili matunaw sa kainit: dili usab layo kaayo aron dili makudman sa katugnaw. Ang dagat ug ang mamalang yuta maayong pagkaangay sa ilang gidak-on ug ang kahanginan husto usab. Unya ang Dios naghimo sa mga buhing binuhat. Sa kaulahian sa tanan gibuhath niya ang tawo ug gibutang siya sa matahum ug kahibulongang kalibutan.

### Saguloha Kini



Genesis 1:31. Ug nakita sa Dios ang tanang butang nga iyang gibuhath, ug tan-awa, kini maayo kaayo.

### Nganong Gibuhath sa Dios ang Kalibutan

Gibuhath sa Dios ang kalibutan alang sa Iyang kaugalingong kalipayan. Gibuhath niya ang panimalay sa tawo aron mahimo niyang mga anak nga Iyang higugmaon ug kalipayan. Ang Dios nalipay sa katahum ug kahapsay sa Iyang universo, apan labaw sa tanang makapalipay Niya mao ang paghigugma gikan sa Iyang mga kaanakan.



Pinadayag 4:11. Kay ikaw mao ang nagbuhat sa tanang butang, ug pinaagi sa imong kalipayan milungtad ug naghimo sila.

Salmo 149:4. Kay si Jehova mahimuot sa Iyang katawhan.

Ang Dios buot nga ang Iyang mga kaanakan mahisama Kaniya ug makig-ambit sa Iyang bulohaton. Busa gihatag Niya kang Adan ug Eva, ang unang lalake ug babaye, ang usa ka kinaiya nga sama sa Iyang kaugalingon sa daghang mga paagi. Ang Dios magapahamatngon kanila. Uban sa Iyang panabang ang katawhan magabuot ibabaw sa yuta.

Genesis 1:26. Ug miingon ang Dios: Buhaton nato ang tawo sumalasa atong dagway... ug magabuot sila...sa tibuok nga yuta.



## Ang Imong Pagabuhaton

- Sulati ang mga linya nga way sulod.
- Unsang basahona ang nagtug-an kanato kong giunsa ug ngano nga nabuhat ang kalibutan? .....
- Kinsay nagpahimutang sa sukdanan alang sa kinabuhi nga gitawag nato ug balaud sa kinaiyahan? .....
- Kang kinsang kalipayan nga ang kalibutan nabuhat? .....
- Ang kalibutan maayo ba o dautan? .....
- Nganli ang unang lalake ug babaye? ..... ug .....
- Ang Dios buot nga ang panimalay sa tawo magapahimulos sa Iyang kalipay ug mahimong Iyang mga .....
- Pinaagi sa tabang sa ....., ang katawhan magabuot sa tibuok nga .....

## Ikatulong Bahin

# UNSAY DAUTAN NGA NAHITABO SA KALIBUTAN?

### May Dautan nga Nahitabo

Tan-aw bisan asa ug makita mo ang pag-antus, kasub-anan, panagbingkil, gubat, gutom, ug kamatayon. Ang kalibutan dili pa hingpit karon. Unsay dautan nga nahitabo? Kaniadto kining hingpit unta nga kalibutan gi-among-amongan sa kaaway sa Dios ug sa tawo mismo.

### Kaaway sa Dios

Ang Dios may gamhanang kaaway nga gitawag Satanas, o ang yawa. Si Satanas batok sa tanang butang nga gikauyonan sa Dios. Ang Dios maayo: Si Satanas makig-away sa maayo pinaagi sa dautan. Ang Dios buot mopahimulos sa gugma ug pakigdait sa tawo: ang yawa mopahimulag kanato gikan sa Dios. Si Satanas maninguha nga kita mosunod kaniya inay sa Dios.

## Sala sa Tawo

Si Satanas misultig mga bakak ngadto kang Adan ug Eva mahitungod sa Dios. Nadani sila sa pagpakasala, nga mao ang pagsupil sa Dios. Ang Dios nagpasidaan kang Adan nga ang sala magdala ug kamatayon, tungod kay ang sala magapahimulag man sa tawo gikan sa Dios. Ang kinabuhi nagagikan sa Dios, busa ang pagpahimulag gikan Kaniya mosangko sa kamatayon. Si Adan ug Eva mipili pagtoo kang Satanas inay unta sa Dios. Nasupak nila ang mga sugo sa Dios ug nagpatuyang sila sa ilang kaugalingong mga paagi nga nagahatud sa makasusubong sangputanan sa kalibutan.

### Ang Sangputanan sa Sala

Ang sala nagadalag sakit ug kamatayon nganhi sa kalibutan.

Roma 5:12. Ang sala misulod sa kalibutan pinaagi sa usa ka tawo, ug ang kamatayon misulod pinaagi sa sala, ug nga tungod niini ang kamatayon mikuyanap ngadto sa tanang mga tawo sanglit ang tanang mga tawo nakasala man.



Ang sala maoy nagbugto sa panaghiusa sa Dios ug sa tawo. Samtang ang tawo magamasukihon, masinupakon ug magpakasala, dili gayud siya makabaton ug pakig-ambitay sa Dios. Inay mahimong anak sa Dios, ulipon hinuon siya sa sala.

Roma 6:16. Kon itugyan ninyo ang inyong kaugalingon ingon nga nga masinugtanong ulipon ngadto kang bisan kinsa, kamo nga ulipon niya nga inyong ginasugot, mga ulipon nga iya sa sala nga nagahatud ngadto sa kamatayon, o iya sa pagkamasinugtanon nga nagahatud ngadto sa pagkamatarung.



Pinaagi sa imong pagka masinupakon sa Dios miduyog kita sa pagkamasupilon ni Satanas ug gidawat ta ang iyang pagmando. Ang yuta nahimong natad sa panggubatan taliwala sa Dios ug ni Satanas. Ikaw ang magpili haing dapita ikaw molaban.

Imong Pagpili – Paagi sa Dios o Paagi ni Satanas

Josue 24:15. Magpili ka karong adlaw kong kinsa ang imong alagaron... Alang kana-ko ug sa akong panimalay molagad kami ni Jehova.





ANG DIOS                      SI SATANAS  
NAGTANYAG KANATO    NAGTANYAG KANATO

Sa Kinaiyahan

Hingpit nga Binuhat, Kahusay, Pakig-angay Katahum, Madagayaong Paghatag	Kadautan sa Bisan Unsa, Kagubot, Kaguliyang, Kangil-aran, Kakabus, Kagutom ug Balatian
--	---

Sa Atong Lawas

Kagana sa Pagkaon, Kinabuhi ug Maayong Panglawas	Kaulit, Mga Bisyo, Kailibgon, Mga Sakit Ug Kamatayon
--	--

Sa Atong Panghunahuna, Pagbati ug Panglihok

Kamatuoran, Pagtoo, Kaalam, Maayong mga Panghunahuna, Katuyoan, Manggimbuhaton, Gugmang Putli, Pagsalig, Pagtoo, Mapinaubsanon, Masinugtanon, Kaga- wasan sa Pagpili, Kalipay, Matinabangon, Makig-angayon, Pakig- ambitay sa Dios	Sayup, Pagduhaduha, Binu-ang, Dautan nga Hunahuna,  Way Katuyoan, Malag- lagon, Kahikaw, Pagdumot, Kahadlok, Katahap, Garbo, Masupilon, Ulipon sa Sala, Pakig-away, Gubat, Kasub-anan, Crimin, Pamintaha, Nahibulag sa Dios
--	---

Ang Imong Pagabuhaton

- Butangi ug X ang tanang mga pulong nga imong higustohan sa mga nahipatik sa ibabaw ug O sa mga pulong nga dili nimo higustohan. Sumala sa imong gimarkahan kinsang dapit nga imong gidapigan? Dios ba o Satanas ba? .....

Ikaupat Nga Bahin

**MAY PAGLAUM PA BA  
ANG KALIBUTAN?**

Ang Dios Wala Mobiya sa Kalibutan

Ang Dios sa gihapon nahigugma kanato bisan pa sa atong mga sala. Naghimo siyag paagi aron pagluwas kanato gikan sa sala, ni Satanas ug sa kamatayon nga walay kinutoban. Ang Dios nagamando pa sa kalibutan ug makahimo Siya pagpabalik sa yuta ngadto sa pagkamasinugtanon gihapon kaniya.



## Ang Anak sa Dios Nagdala sa Atong Silot

Ang matag tawo sa yuta nagpakasala ug ginahukman nga mamatay. Wala kitay makaplagang paagi pagluwas sa atong kaugalingon. Ang Dios nahigugma pag-ayo kanato nga iyang gipadala ang iyang kaugalingon nga Anak, ang Ginoong Jesucristo, aron pagkuha sa atong silot.

Haduol sa duha ka libo ka tuig nga miagi, si Jesus mianhi sa yuta ug sa milagrosong paagi nagpakatawo sa usa ka ulay sa dapit sa Palestina. Gitudloan Niya ang mga tawo sa kamatuoran mahitungod sa Dios ug sa Iyang gugma. Wala siyay nahimong kasaypanan sa tibook Niyang kinabuhi apan namatay Siya sama sa usa ka criminal, gilansang sa cruz. Nagpakamatay Siya puli kanato alang sa atong mga sala.

Ang Dios nagpaila sa kalibutan nga si Jesus mao ang Iyang Anak pinaagi sa pagbanhaw Kaniya human sa tulo ka adlaw. Kap-atan ka adlaw human niini si Jesus mikayab ngadto sa langit sa lawas gayud.

Mga tinun-an ni Jesus nga nakakita Kaniya human sa Iyang pagkabanhaw ug nakasaksi sa Iyang pagkayab ngadto sa langit nagtug-an kanato mahitungod niini diha sa mga Evangelio.

### Pagdawat Kang Jesus Makapahimo Kanatong Mga Anak Sa Dios

Tungod kay si Jesus nagdala man sa atong silot, ang tanan nga modawat Kaniya ingon nga Manluwas makagawas gikan sa gahum sa yawa. Kon motalikod kita sa atong mga Sala, ang Dios magahimo kanatong Iyang mga Anak. Ang Dios naga-awhag kanato sa pagtoo sa Iyang Anak aron kita maluwas gikan sa sala, hinuon dili Siya mopugos kanato pagbuhat niana

Rome 5:17. Kon tungod sa paglapas nga nahimo sa usa ka tawo ang kamatayon mihari pinaagi sa maong tawo, sa labi pa gayud pinaagi sa usang tawo nga mao si Jesucristo, ang managpakadawat sa kadagaya sa grasya ug sa gasa nga pagkamatarung nga walay bayad magahari diha sa kinabuhi.



#### Sag-uloha Kini

Juan 3:16. Kay gihigugma gayud sa Dios ang kalibutan nga tungod niana gihatag niya ang iyang bugtong Anak, aron ang tanan nga mosalig Kaniya dili malaglag kondili may kinabuhing dayon.

Rome 6:23. Kay ang suhol gikan sa sala mao ang kamatayon, apan ang walay bayad nga gasa gikan sa Dios mao ang kinabuhing dayon diha kang Cristo Jesus nga atong Ginoo.

## Makapuyo Ka sa Hingpit nga Kalibutan

May adlaw nga si Jesus mobalik pag-usab aron luwason ang kalibutan gikan sa sala ug hingpitan niya kini pag-usab. Kon dawaton mo Siya ingon nga imong Manluluwas karon, makapuyo ikaw uban kaniya sa hingpit nga kalipay unya. Bisan karon, ang imong kalibutan mahimong labi pang maayo, kon dawaton mo si Jesus ingon nga imong Manluluwas, tungod kay mahimo man ikawng buotan nga tawo. Makahimo na ikaw karon pagsugod pagpahimulos sa panalangin nga mabatonan sa mga anak sa Dios.

### Ang Imong Pagabuhaton

- Isulat imong ngalan sa blanko nga linya.
- Kay ang Dios nahigugma kang ..... sa pagkaagi nga Iyang gihatag ang iyang bugtong nga Anak, aron kon si ..... motoo Kaniya dili malaglag kondili may kinabuhing dayon.
- Kon buot ka modawat kang Jesus ingon nga imong Manluluwas karon sunda kining pag-ampo.

### Pag-ampo

Salamat Kanimo, O Dios sa imong paghigugma kanako ug pagpadala sa imong Anak aron pagpakamatay sa akong mga sala. Dawaton ko si Jesus karon ingon nga akong Manluluwas. Buot ako moalagad kanimo sa tanang adlaw sa akong kinabuhi. Tabangi ako sa pagkinabuhing balaan ug pagtuman sa imong kabobot-on, alang sa akong kinabuhi. Ginaampo ko tungod sa Ngalan ni Cristo Jesus. Amen.

---

*Pasidunggan ka sa imong paghuman sa  
Leksyon 1.*

*Sa diha nga among madawat ang Pasulit  
papel nga sa leksyon 1, amo kanang gra-  
dohan ug ibalik nganha kanimo.*

*Kon mahuman mo ang unom ka  
leksyon, ipadala namo diha kanimo ang  
maanindot nga sertipico.*

*Ang Dios magpanalangin kanimo sa  
kadatu gayud!*

**STUDENT NUMBER**

*Sa pagkadawat sa imong Pasulit I, ang ICI National Office mohatag kanimo ug usa ka student ID number. Kini mahimo nimong permanenting numero nga imong pagagamiton sa tanang mga sulat ug pasulit ngadto sa ICI.*

## PAHIMANGNO

ANG MGA LEKSYON MATUN-AN NGA MAG-INUSARA O DIHA BA SA PUNDOK NGA GITAWAG UG "STUDY GROUP." ANG ICI NAGATAN-YAG UG MGA CORSO SA PINULONGAN NGA TAGALOG, ILOCANO, CEBUANO, HILIGAYNON, BICOL, PAMPANGO, PANGASINAN, UG SAMAREÑO.

KAMI MODASIG KANIMO NGA HUMAN MATAPOS NIMO ANG "MGA DAGKUNG PANGUTANA SA KINABUHI," MOTUON KA SA SUNOD NGA CORSO, ANG "MGA DAGKUNG HITABO SA KINABUHI NI CRISTO."

SA DIHANG MAHIBALIK NA ANG GIGRA-DUHAN NGA PASULIT NGANHA KANIMO, PALIHUG IBALHIN ANG HUSTONG MGA TUBAG NGANHI SA LIBRITO SA DILI PA IKAW MOSUGOD SA SUNOD NGA LEKSYON.

DAGHANG SALAMATI

# ang mga dagkung pangutana sa kinabuhi

## LEKSYON

- 1** UNSA BAY NAGAKAHITABO  
SA KALIBUTAN?
- 2** UNSA BAY KAMATUORAN  
MAHITUNG OD SA DIOS?
- 3** UNSA BA GAYUD ANG KINABUHI?
- 4** UNSAON PAGTAGBO ANG IMONG  
LABING DAKUNG KINAHANGLAN?
- 5** UNSAY MAHITABO HUMAN SA  
KAMATAYON?
- 6** UNSA BAY MATUOD NGA IGLESIA?



**International Correspondence Institute**  
Philippine National Office  
P.O. Box 1084 Manila 2800